

✱P. o. germ.✱

241.  
mb

Sammlung von Hingberg. 300  
Maße von der Meise  
v. Franz Roth.

1846.

Conrad

P. o. germ.

241 ml.



P. O. germ.  
141



DIE  
**MÄHRE VON DER MINNE**

ODER

**DIE HERZMÄHRE**

VON


**KONRAD VON WÜRZBURG**

nach acht handschriften herausgegeben

von

**Franz Roth**

Frankfurt am Main  
gedruckt in C. Naumann's Druckerei  
1 8 4 6





**Jacob und Wilhelm Grimm**

und

**Ludwig Uhland**

zum

**freundlichen willkommen in Frankfurt am Main**

bei der

**ersten versammlung der deutschen sprach- und geschichtsforscher  
und rechtsgelehrten**

**den 24<sup>ten</sup> September 1846**





- I**ch brüefe in mîme sinne,  
daz lûterlichiu minne  
dêr wêrlte ist worden wilde,  
dar umbe sô sulnt bilde  
5 ritter unde frouwen  
an difem mære schouwen,  
wan êz von ganzer liebe seit.  
dês bringet uns gewisheit  
von Strâzbure meister Gotfrit:  
10 swêr ûf dêr wâren minne trit  
wil êbene setzen sinen fuoz,  
daz êr benamen hœren muoz  
sagen unde fingen  
von minneclichen dingen,  
15 die ê wâren dên geschêhen,  
die sich hêten underfêhen  
mit minneclichen ougen.  
diu rede ist âne lougen:  
êr minnet iemer defte baz,  
20 swêr von minnen êtewaz  
hœret fingen oder lêsen;  
dar umbe wil ich flîzic wêsen,  
daz ich diz schoene mære  
mit rede alsô bewære,  
25 daz man dar an kiesen mûge

ein bilde, daz dër minne tûge,  
 diu lûter unde reine  
 sol sin vor allem meine.

- Ein ritter und ein frouwe guot
- 30 diu hêten lëben unde muot  
 in ein ander fò verwëben,  
 daz beide ir muot und ouch ir lëben  
 ein dinc was worden alfò gar:  
 fwaz dër frouwen arges war,
- 35 daz war ouch dëm ritter;  
 dà von ze jungest bitter  
 wart ir ende leider.  
 diu minne was ir beider  
 worden fò gewaltic,
- 40 daz si vil manievaltic  
 mahte ir hërze smërzen.  
 gròz smërze wart ir hërzen  
 von dër fûezen minne kunt.  
 si hëte si biz an dën grunt
- 45 mit ir fiure enzündet  
 und alfò gar durchgründet  
 mit minneclicher trûtschaft,  
 daz niemer möhte solhiu kraft  
 mit rede wërden z'ende bräht.
- 50 ir lûterlichen andäht  
 nieman kunde vollesagen,  
 nie ganzer triuwe wart getragen  
 von manne noch von wibe,  
 dan ouch in ir libe
- 55 diu zwei zefamene truogen.  
 ouch kunden si mit fuogen  
 z'ein ander komen beide niht,  
 daz si zuo dër minne pfliht  
 ir eigen willen möhten hân.
- 60 daz fûeze wip vil wol getân

- hët einen wërden man zer ê,  
dës wart ir hërzen dicke wê,  
wan ir schoene was behuot  
sò vaste, daz dër hërre guot  
65 nie möhte an ir gestillen  
fins wunden hërzen willen,  
daz nâch ir minne lac verfniten.  
dës wart diu nôt von ime geliten,  
diu strenge was und engeslich.  
70 nâch ir lîbe minneclîch  
begunde êr alsò vaste quêln,  
daz êr sine pin verhêln  
niht möhte vor ir manne.  
zuo dër schoenen danne  
75 gienc êr wanne êz, möhte sin  
und tet ir dô mit clage schîn  
fines hërzen ungemach;  
dâ von ze jungest ime geschach  
ein leit, daz in bewârte.  
80 dër frouwen hërre vârte  
mit starker huote ir beider  
sò lange, biz êr leider  
an ir gebærden wart gewar,  
daz si diu fûeze Minne gar  
85 hête in ir stric verworren,  
dâ von si muosten dorren  
nâch ein ander beide.  
dar umbe wart vil leide  
disem guoten hêrren dô.  
90 êr dâhte wider sich alsô:  
    'Enhüete ich mînes wîbes niht  
    mîn ouge lihte an ir gesiht,  
    daz mich hêr nâch geriuwet,  
    wan si mir schaden briuwet  
95 mit disem wërden edeln man.

- deiswâr ob ich êz, fûegen kan,  
 ich bringel' ûzer finer wer.  
 über daz vil wilde mer  
 wil ich zwâre mit ir varn,  
 100 durch daz ich künne si bewarn  
 vor ime biz daz êr gar von ir  
 gewenke fines hêrzen gir  
 und si dên muot von im genême.  
 ich hôrte sagen ie, daz dême  
 105 sin liep vil sanfte wûrde leit,  
 dêr mit langer stætekeit  
 von im gescheiden wûrde gar,  
 dar umbe wil ich mit ir dar  
 zuo dêm frônen gotes grabe,  
 110 biz daz si gar vergêzzzen habe  
 dêr hôhen liebe, die si treit  
 dêm wêrden ritter vil gemeit.'  
 Alfus kam êr dês über ein,  
 daz êr dên gelieben zwein  
 115 ir trûtschaft wolte leiden,  
 diu niemer doch gescheiden  
 môhte wêrden under in.  
 êr kêrte dar ûf sinen sin,  
 daz êr mit dêr frouwen  
 120 bi namen wolte schouwen  
 Jhérusalêm daz reine lant.  
 dô dêr ritter daz bevânt,  
 dêr nâch ir wêrden minne bran,  
 dô wart dêr muotfîeche man  
 125 vil schiere dês ze râte,  
 daz êr nâch ir drâte  
 wolde ouch varen über mer.  
 in dûhte, daz êr âne wer  
 dâ heime tôt gelæge,  
 130 ob êr sich dês verwæge,

- daz ër wendic würde.  
 dër strenge minne bürde  
 twanc sò vaste finen lip,  
 daz ër durch daz schoene wip  
 135 waere in dën grimmen tót gevärn;  
 dar umbe ër doch niht langer sparn  
 wolte nâch ir fine vart.  
 und dô daz an ime innen wart  
 diu fûeze tugende rîche,  
 140 befante in tougenliche  
 daz vil kaiserliche wip.  
 'friunt' sprach si, 'unde lieber lip,  
 mîn man ist an dën willen komen,  
 alsô dû sêlbe hât vernomen,  
 145 daz ër mich floehen wil von dir.  
 nû volge trût gefelle mir  
 durch dîner hôhen sâelden art  
 und erwende dîse vart,  
 die sîn lip hât ûf geleit.  
 150 über daz wilde mer vil breit  
 var alters eine drüber ê,  
 dar umbe daz ich hie bestê;  
 wan swenn ër hât von dir vernomen,  
 daz dû bist vor im über komen,  
 155 sò belibet ër zehant  
 und wirt dër arcwân erwant,  
 dën sîn lip hât ûffe mich;  
 wan ër gedenket wider sich:  
 'wære an dîsen dîngen iht,  
 160 dër mîn hêrze sich verfiht  
 an mînem schoenen wibe guot,  
 dër wêrde ritter hôchgemuot  
 wære niht von lande komen.  
 sus wirt dër zwifel ime benomen,  
 165 dën wider mich sîn hêrze treit;

- ouch sol dir daz niht wēfen leit,  
 obe dū bist eine wile dort,  
 biz man verredet hie daz wort,  
 daz von uns fliuget über lant.
- 170 sō dich hēr wider hāt gefant  
 dēr vil fūeze reine Crīst,  
 sō hāstū, sam mir, alle frīst  
 dīnen willen destē baz,  
 ob man gar verredet daz,
- 175 daz man tūf uns ze mære saget.  
 dēm edeln gote sī geclaget,  
 daz dū nāch dēn willen dīn  
 niht iemer maht bī mir gēfin  
 und ich bī dir nāch mīner gēr.
- 180 nū ganc, vil lieber hērre, hēr,  
 enphach von mir dīz vingerlīn,  
 dā bī soltū dēr swære mīn  
 gedenken under stunden,  
 dā mite ich bin gebunden,
- 185 sō dich mīn ouge niht enfiht,  
 wan zwære, sō mir iht geschihht,  
 ich muoz an dich gedenken.  
 dīn vart diu kan mir senken  
 jāmer in mīns hērzen grunt.
- 190 gip mir hēr an mīnen munt  
 einen fūezen friundes kus  
 unde tuo durch mich alfus,  
 alse ich hān gesaget dir.  
 ‘gērne, frouwe,’ sprach ēr z’ir
- 195 mit trūebes hērzen sinne,  
 ‘swaz ich dar an gewinne,  
 ich tuon mit willen, swaz ir went.  
 ich hān sō gar an iuch versent  
 hērze, muot und ouch dēn sīn,
- 200 daz ich iu von rēhte bin

- eigenlichen undertân.  
 lânt mich iuwern urloup hân,  
 ûz erweltiu frouwe guot,  
 und wizzent, daz min sender muot  
 205 nâch iu muoz grôzen kumber doln.  
 ich bin fò gar an iuch verquoln  
 mit hêrzen und mit libe,  
 liebeſte aller wibe,  
 daz ich dês michel angeſt habe,  
 210 man trage ê tôten mich ze grabe,  
 ê mir diu ſælde mê geſchêhe,  
 daz ich iuch iemer mê geſêhe.’  
 Hie mite was diu rede hin,  
 die ſi dô triben under in  
 215 von ir hêrzeleide.  
 diu zwei gelieben beide  
 ſchieden ſich mit marter  
 und twungen ſich dô harter  
 ze hêrzen an der ſtunde,  
 220 dan ich mit dên munde  
 iu geſagen künne.  
 an wêrſtlicher wünne  
 lac ir beider hêrze tôt;  
 ir liechten münde rôſenrôt  
 225 vil fenſter küſſe pflâgen,  
 dar nâch ſi ſich bewâgen  
 aller frôiden under in.  
 dêr wêrde ritter kêrte hin  
 mit jâmer an daz mer zehant,  
 230 dên êrſten kiel, dên êr dâ vant,  
 dâ wart êr inne über brâht.  
 êr hête ſich dês wol bedâht,  
 daz êr ûf dêr êrden  
 nimêre wolde wêrden  
 235 frôidehaft noch rêhte frô,



- got geschaffe ez danne alsô,  
daz er ze lande kæme  
und etewaz vernæme  
von der lieben frouwen sin.
- 240 dës wart sin hërzeclichiu pîn  
vil strenge und ouch vil bitter.  
dër tugenthafte ritter  
begunde nâch ir trûren  
und in sin hërze mûren
- 245 vil jâmerlîche riuwe,  
sin altiu forge niuwe  
nâch ir fûezen minne wart.  
dër reinen tûrteltûben art  
tet er offenliche schîn,
- 250 wan er nâch dêm leide sin  
vermeit dër grûenen frôiden zwî  
und wonte staeteliche bî  
dër durren forgen aste.  
er fente nâch ir vafte
- 255 und wart sin leit sô rêhte starc,  
daz ime dër jâmer durch daz marc  
dranc biz an dër sêle grunt;  
er wart vil tiefer forgen wunt  
und inneclicher swære.
- 260 dër sende marteraere  
sprach ze maniger stunde  
mit siufzebæren munde:  
‘gêret si daz reine wip,  
dër lëben und dër fûezer lip
- 265 mir gît sô hërzelîche pîn.  
jâ si vil liebiu frouwe mîn,  
wie kan ir fûeziu meisterfchaft  
sô bitterlicher noete kraft  
fenden mir ze hërzen!
- 270 wie mac sô grôzen smërzen

- ir vil fûezer lip gegeben!  
 fol si troesten niht mîn lēben,  
 sô bin ich endeliche tôt.  
 in dirre clagenden hēzenôt
- 275 was ēr mit jâmer alle tage  
 und treip sô lange dise clage,  
 biz ēr ze jungest wart geleit  
 in alsô grôze sendekeit,  
 daz ēr niht langer mōhte lēben.
- 280 ime wart sô grimmiu nôt gegeben,  
 daz man wol ûzen an ime fach  
 daz tougenliche ungemach,  
 daz ēr an sime hēzen truoc.  
 und dô dēr wērde ritter kluoc
- 285 dēr leiden mære sich versach,  
 daz ime ze stērbene geschach,  
 dô sprach ēr zuo dēm knēhte sîn:  
 ‘vernim mich, trût gefelle mîn,  
 ich bevinde leider wol,
- 290 daz ich bî namen stēren sol  
 durch mîne lieben frouwen,  
 wan si mich hât verhouwen  
 biz ûf dēn tôt mit sender clage,  
 dar umbe tuo, daz ich dir sage,
- 295 swenn ich sî verdorben  
 und ich lige erstorben  
 durch daz vil keiserliche wip,  
 sô heiz mir sniden ûf dēn lip  
 und nim hēr ûz mîn hērze gar
- 300 bluotic unde riuwevar,  
 daz soltû denne salben  
 mit balsame allenthalben,  
 durch daz ēz lange frisch bestē.  
 vernim, waz ich dir sage mē,
- 305 frume eine lade cleine

- von golde und von gesteine,  
dar in mîn tôtez hërze tuo  
und lege daz vingerlîn dar zuo,  
daz mir gap diu frouwe mîn;  
310 fò diu zwei bì ein ander sîn  
verflozzen und verfigelet,  
fò brinc alsò verrigelet  
sî beidiu mîner frouwen,  
durch daz sî mûge schouwen,  
315 waz ich von ir hân erliten  
und wie mîn hërze sî versniten  
nâch ir vil fûezen minne.  
sî hât fò reine sinne  
und alsò ganze triuwe,  
320 daz ir mîn jâmer niuwe  
lît iemer an ir hërzen,  
bevindet sî dën smërzen,  
dën ich durch sî liden sol.  
dar umbe tuo fò rēhte wol  
325 und erfülle mîn gebot.  
dër reine und dër vil fûeze got,  
dër kein edel hërze nie  
mit dër hēlfe sîn verlie,  
dër mûeze sich erbarmen  
330 über mich vil armen  
und mûeze dër vil lieben gēben  
frōide und ein wunneclichez lēben,  
von ir muoz ich hie ligen tōt.  
mit dirre clagenden hërzenōt  
335 dër ritter nam sîn ende.  
dar umbe sine hende  
dër knēht vil jâemerliche want;  
ēr hiez in sniden ûf zehant  
und erfulte ime sine bēte.  
340 swaz ēr in ē gebēten hēte,

- daz tet ër unde kërte dan  
 alfe ein fröidelôser man  
 mit dëm hërzen alfò tòt.  
 ër fuorte ëz, alfe ër ime gebôt,  
 345 zuo dër fëlben veste,  
 dà ër fî ûffen wëfte,  
 durch die dër liebe hërre fin  
 leit dës grimmen tòdes pin.  
 dò ër zuo dër veste kam,  
 350 dà diu frouwe tugentfam  
 was inne bi dër fëlben zit,  
 dò reit ime uf dën vëlde wît  
 ir man engegen von gefchiht  
 und wolte, als uns daz mære giht,  
 355 dò lihte hân gebeizet.  
 dës wart dër knëht gereizet  
 uf clegelichez, ungemach;  
 wan dò dër ritter in gefach,  
 dò gedächte ër alzehant:  
 360 'zwære, dirre ist hër gefant  
 umbe anders niht, wan umbe daz  
 daz ër mære ëtewaz  
 bringe minen wibe  
 von fines hërren libe,  
 365 dër nâch ir minne jâmer treit.'  
 hie mite ër zuo dëm knëhte reit  
 und wolte in mære frâgen fâ.  
 dò erfach ër schiere dà  
 die lade von gezierden kluoc,  
 370 dà inne er daz hërze truoc  
 und ouch dër frouwen vingerlin.  
 ër hëte fî an dën gürtel fîn  
 gehenket beidiu von gefchiht,  
 als ob ëz wære anders iht.  
 375 Dò dër ritter daz erfach,

- dēn knappen gruozte ēr unde sprach,  
waz ēr dar inne trüege.  
dô sprach dēr vil gefüege  
und dēr getriuwe jungelinc:  
380 'hërre, ēz ist einer hande dinc,  
daz vërre mit mir ist gefant.'  
'lâ fēhen,' sprach ēr alzehant,  
'waz drinne si verborgen!'  
dô sprach dēr knēht mit forgen:  
385 'zwäre, dēs entuon ich niht,  
kein mensche ēz niemer mē gesiht,  
wan dēr ēz sol von rēhte fēhen.'  
'nein, alfus mac ēz niht geschēhen,'  
sprach der ritter aber z'ime,  
390 'wan ich ēz mit gewalte nime  
und schouwe ēz sunder dinen danc.'  
dar nâch was vil harte unlanc,  
biz daz ēr ime daz ledelin  
brach von dēme gürtel sin,  
395 daz tet ēr ûf mit finer hant.  
ēr sach daz hërze unde vant  
dâ bi dēr frouwen vingerlin.  
an dēn zwein wart ime wol schîn,  
daz dēr ritter læge tôt  
400 und disiu beidiu finer nôt  
ein urkünde wæren  
zuo dēr vil fældebaeren.  
Dēr ritter sprach dēm knēhte zuo:  
'ich sage dir, knappe, waz dû tuo:  
405 var dine strâze, wëllest dû,  
ich wil daz cleinoete nû  
mir sêlben hân, daz sage ich dir.'  
fus reit er heim nâch finer gir  
und sprach zuo sinem koche fâ,  
410 daz ēr ime ûz dēm hërzen dâ

- eine funder trahte  
mit hôhen flize mahte.  
daz tet dër koch mit willen gar;  
ër nam z'ime daz hërze dar  
415 und mahte ëz, alfò rëhte wol,  
daz man enbizzen niemer sol  
dekeiner flahte spife,  
diu sò wol nâch prife  
mit edeln wûrzen si gemaht  
420 sò daz hërze vil geflaht.  
Als ëz wart gar bereitet,  
dò wart niht mè gebeitet;  
dër wirt dër gienc ouch über tisch  
und hiez tragen alfò frisch  
425 die trahte finen wibe dar.  
'frouwe,' sprach ër fuoze gar,  
'diz ist ein spife cleine,  
die solt dû ëzzzen eine,  
wan dû ir niht geteilen maht.'  
430 fus nam diu frouwe vil geflaht  
und az ir friundes hërze gar,  
alfò daz si niht wart gewar,  
wëlher flahte ëz möhte sin.  
daz jæmerliche trehtelin  
435 fûeze dûhte ir wërden munt,  
daz si dà vor ze keiner stunt  
nie dekeine spife gaz,  
dër smac ir ie geuele baz.  
Dò diu frouwe stæte  
440 daz hërze gëzzzen hæte,  
dò sprach dër hërre sâzehant:  
'frouwe, nû tuo mir bekant,  
wie difiu trahte dir behage.  
ich wæne, daz dû dine tage  
445 enbizzeft keiner spife nie

- füezer, frouwe, denne die.  
 'lieber hërre,' sprach si dô,  
 'niemer werde ich rēhte frô,  
 ob ich ie spise gæze,  
 450 diu sô zuckermæze  
 mich dûhte und alsô reine,  
 sô difiu trahte cleine,  
 dër ich iezuo hân bekort.  
 aller spise ein überhort  
 455 muoz si mir bi namen sin.  
 sprēchent, lieber hërre mîn,  
 ist diz ēzzen lobesam  
 gewēsen wilde oder zam?'  
 'Frouwe,' sprach ër aber z'ir,  
 460 'vernim vil rēhte, waz ich dir  
 mit worten hie bescheide:  
 zam unde wilde beide  
 was difiu trahte, sam mir got!  
 dën frōiden wilde ân allen spot,  
 465 dën forgen zam ân underlaz.  
 dû hâst dës ritters hërze gaz,  
 daz ër in sime libe truoc,  
 dër nâch dir hât erliten gnuoc  
 jâmers alle sine tage.  
 470 geloube mir, waz ich dir sage,  
 ër ist von sender hërzenôt  
 nâch dīner fūezen minne tôt  
 und hât dir daz hërze sīn  
 und daz guote vingerlīn  
 475 z'eime urkūnde hër gefant  
 mit sime knēhte in difiu lant.  
 Von difem leiden mære  
 wart diu sâldenbære  
 alsam ein tôtez wip gestalt,  
 480 ir wart in dēm libe kalt

- daz hërze, daz geloubent mir.  
 ir lichten hende enphielen ir  
 beide für sich in die schôz.  
 daz bluot ir ûz dëm munde gôz,  
 485 als êz diu wære schult gebôt.  
 ‘jâ,’ sprach si dô mit grôzer nôt,  
 ‘hân ich sin hërze denne gaz,  
 dër mir hât ân underlaz  
 von grunde ie holden muot getragen,  
 490 sô wil ich iu bi namen sagen,  
 daz ich dekeiner spise  
 in keiner flahte wîse  
 mich fürbaz wil geniëten.  
 got sol mir verbieten  
 495 durch sinen tugentlichen muot,  
 daz nâch sô wërder spise guot  
 in mich kein swachiu trahte gê.  
 enbîzen sol ich niemer mê  
 dekeiner flahte dinges,  
 500 wan dës ungelinges,  
 dër geheizen ist dër tôt.  
 ich sol mit sender hërzenôt  
 verschwenden hie mîn armez lëben  
 umbe in, dër durch mich hât gegeben  
 505 beidiu lëben unde lip.  
 ich waere ein triuwelôsez wîp,  
 ob ich gedachte niht dar an,  
 daz dër vil tugenthafte man  
 fante mir sin hërze tôt.  
 510 wê, daz mir ie nâch sîner nôt,  
 wart einen tac daz lëben schîn!  
 zwære, êz enmac niht lenger sîn,  
 daz ich âne in eine lëbe,  
 und êr in dëm tôde fwëbe,  
 515 dër vor mir triuwe nie verbarc.’



- fus wart ir nôt sô rēhte starc,  
 daz si von hēzenleide  
 ir blanken hende beide  
 mit grimme in ein ander vielt;  
 520 daz hēze ir in dēm libe spielt  
 von sēder jāmerunge.  
 hie mite gap diu junge  
 ein ende ir fūezen lēbene  
 und widerwac vil ēbene  
 525 mit eime swāren lōte,  
 swaz ir dā vor genōte  
 ir friunt geborget hāte.  
 si galt mit ganzer staete  
 und ouch mit hōhen triuwen ime.  
 530 got wēlle, swaz ich dinges nime,  
 daz ich widergēben daz  
 mūeze senfter unde baz.  
 Hie hāt dīz mære ein ende.  
 dēr rīche got in schēde,  
 535 daz ēr dēr spīse ie gewuoc,  
 die sô jāmerliche truoc  
 sô gar getriuwen wībe  
 daz lēben von ir libe.  
 daz muoz mich riuwen iemer  
 540 und ich vergizze niemer  
 sīner törperheite,  
 daz ēr si ir ie geseite.



